

AUGLÝSING

134

16. júlí

um breyting á samþykkt nr. 116 21. júní 1939 fyrir Fiskiræktar- og
Veiðifélag Miðfirðinga.

3. gr. samþykktarinnar orðist svo:

Félagssvæðið er allar þær jarðir — ásamt afréttarlandinu Húksheiði — sem lönd eiga að Miðfjarðará og ám þeim, er í hana falla, að undanteknum þeim jörðum, sem land eiga eingöngu að Austurá fyrir framan Kambfoss. Þær jarðir, er félagið nær yfir, eru þessar:

Litli Ós, Stóri Ós, Syðsti Ós, Saurar, Ytri-Reykir, Syðri-Reykir, Efri Torfustaðir, Neðri Torfustaðir, Urriðaa, Ytra-Bjarg, Bjarg, Bjargshóll, Uppsali, Litli-bakki, Barkarstaðir, Barkarstaðasel, Skárastaðir, Núpsdalstunga, Efri Núpur, Þverá, Fosskot, Neðri Núpur syðri, Neðri Núpur ytri, Torfastaðir, Haugur, Litli-hvammur, Litlatunga, Giljaland, Skeggjastaðir, Dalgeirsstaðir, Lækjabær, afréttarlandið Húksheiði, Húkur, Kollafoss, Huppahlíð, Brekkulækur, Króksstaðir, Staðarbakki, Melstaður, Barð, Sandar.

Samþykktarbreyting þessi, sem gerð er samkvæmt lögum nr. 112 9. október 1941, um lax- og silungsveiði, birtist hér með til eftirbreytni öllum þeim, er hlut eiga að máli.

Landbúnaðarráðuneytið, 16. júlí 1951.

Hermann Jónasson.

Árni G. Eylands.

SAMÞYKKT

135

16. júlí

fyrir Veiðifélag Sæmundarár.

1. gr.

Félagið heitir Veiðifélag Sæmundarár. Heimili félagsins og varnarþing er sama og formanns á hverjum tíma, enda sé hann búsettur á félagssvæðinu.

2. gr.

Verkefni félagsins eru: Að auka lax- og silungsgengd í Sæmundará og vatna-svæði hennar, og gera veiðina sem arðsamasta og árvissasta fyrir alla meðlimi félagsins. Þessum tilgangi vill félagið ná með eftirfarandi:

1. Friðun á laxi og silungi, eftir því sem þörf krefur.
2. Að settum reglum um veiðitæki og veiðiaðferðir verði framfylgt, svo sem lög mæla fyrir og samþykktir félagsins.
3. Óflun laxaseiða og gerð fiskvega, ef þörf krefur, að dómi sérfróðra manna.
4. Að stunda sameiginlega lax- og silungsveiðar.
5. Að koma upp eftirliti til að fyrirbyggja ólöglega veiði.

3. gr.

1. Félagssvæðið nær yfir allar þær jarðir, sem land eiga að Víkinni, Miklavatni og Sæmundará til Gýgjafoss.
2. Félagsmenn eru allir ábúendur þeirra jarða, sem um ræðir í fyrstu málsgrein

135
16. júlí

Þessarar greinar, og eru jarðirnar þessar: Sjóvarborg ásamt hjáleigunni Borgargerði, Kimbastaðir, Lindarbær, Gil, Birkihlíð, Glæsibær, Vík, Ögmundarstaðir, Hafsteinsstaðir (I), Hafsteinsstaðir (II), Reynistaður með hjál., Geitagerði og Mel, Geirmundarstaðir, Dúkur, Varmaland, Hóll, Bessastaðir, Sólheimar, Auðnir, Dæli, Skarðsá, Fjall, Stóra Vatnsskarð, Brekka, Íbishóll, Grófargil, Brautarholt, Stóra Seyla, Elivogar, Þröm, Litla Gröf, Stóra Gröf (syðri), Stóra Gröf (ytri), Holtsmúli, Ármúli og Grænhóll.

3. Samþykkt þessi tekur einnig til parts Vesturhéraðsvatna, ef ábúendur og eigendur Sjóvarborgar og Utanverðunes samþykkja það með sérstakri yfirlýsingu.

4. gr.

1. Óheimilt er öllum að veiða lax og silung á félagssvæðinu, nema með sérstöku skriflegu leyfi félagsstjórnar eða þess manns, sem falið hefur verið að annast það. Skal þar tekið fram um veiðitæki og með hvaða kjörum veiðin sé leyfð.
2. Félagsmönnum og öðrum, sem á félagssvæðinu búa, er bannað að hafa með höndum ádráttarnet, nema þeir geti sannað, að þeir þurfi að nota það til veiða í vötnum utan veiðisvæðisins (félagssvæðisins).
3. Þó skal þeim, sem veiðirétt eiga í Miklavatni, heimilt að stunda lagnetaveiði í vatninu, enda hlíti þeir um það ákvæðum veiðimálanefndar hverju sinni, um netalengd, möskvastærð neta og lagnir í vatninu.

Sá, sem verður brotlegur við þessi fyrirmæli veiðimálanefndar, fyrirgerir rétti sínum til framangreindrar netaveiði.

5. gr.

1. Heimilt er félagsstjórn að leigja ár eða vötn á félagssvæðinu eða hluta af þeim einstökum mönnum eða félögum til stangaveiði, ef sýnilegt þykir að það sé hagur fyrir félagið. Þó má það leyfi ekki vera til lengri tíma en 1 árs í senn, nema lögmaður fundur samþykki, og tekið hafi verið fram í fundarboðinu, að slíkt veiðileyfi yrði til umræðu.
2. Félagsstjórn er heimilt að stunda sameiginlega lax- og silungsveiði fyrir alla félagsmenn sameiginlega, á einum stað eða fleirum, ef henta þykir.

6. gr.

Stjórn félagsins skipa 5 menn, formaður, ritari og gjaldkeri, svo og 2 meðstjórnendur. Skulu þeir kosnir á aðalfundi félagsins til þriggja ára í senn. Þeir ganga úr stjórninni á víxl, fyrsta árið 1, annað árið tveir, hvorutveggja eftir hlutkesti, og síðan eftir starfstíma í stjórninni. Enginn félagsmaður getur skorazt undan kosningu í stjórn félagsins, nema um jafnmörg ár og hann hefur áður setið í stjórn. Stjórnin skiptir sjálf með sér verkum til eins árs í senn. Formaður kveður til funda og stjórnar þeim. Stjórnarfundur er lögmaður, ef meir en helmingur stjórnarnefndarmanna er á fundi. Úrslitum mála ræður afl atkvæða, en séu þau jöfn, atkvæði formanns. Allar fundargerðir stjórnarinnar skulu ritaðar í gerðabók og skrifa viðstaddir nefndarmenn undir þær.

7. gr.

Félagsstjórnin ræður öllum félagsmálum milli félagsfunda, sér um framkvæmdir fyrir félagið, heldur reikninga þess og kveður til félagsfunda.

8. gr.

Aðalfundur hefur æðsta vald í öllum málum félagsins. Hann skal haldinn fyrir apríllök ár hvert. Félagsstjórn getur kvatt til aukafundar, þegar henni þykir þörf. Skylt er stjórninni að boða til aukafundar, ef $\frac{1}{4}$ félagsmanna krefst þess skrif-

lega og greinir fundarefni. Fundur er lögmætur ef $\frac{2}{3}$ félagsmanna eru á fundi eða hafa gefið öðrum, sem þar mæta, skriflegt umboð til að mæta fyrir sig. Nú verður aðalfundur ekki lögmætur sökum fámennis, þá skal stjórn félagsins kveðja til fundar á ný innan þriggja vikna. Skal þá jafnframt tekið fram í fundarboði, að til fundarins sé kvatt á ný, vegna þess að ekki mættu nógu margir á hinum fundinum, til þess að hann væri löglegur. Er hinn síðari fundur þá lögmætur án tillits til þess hvað margir mæta.

Á fundum ræður afl atkvæða, nema þar sem samþykkt þessi mælir öðruvísi fyrir. Til fundar skal boða með skriflegri tilkynningu eða símatilkynningu til hvers einstaks félagsmanns, með minnst viku fyrirvara.

9. gr.

Á aðalfundi skulu þessi mál tekin fyrir, og í eftirfarandi röð:

1. Fyrst skýrsla stjórnarinnar um hag félagsins og framkvæmdir á liðnu ári.
2. Lagðir fram endurskoðaðir reikningar félagsins fyrir síðasta ár, með athugasemdum endurskoðenda og svörum reikningshaldara til úrskurðar.
3. Kosið í stjórn félagsins og endurskoðendur.
4. Stjórn félagsins gerir grein fyrir fyrirhugaðri starfsemi félagsins á yfirstandandi ári.
5. Umræður og atkvæðagreiðsla um önnur mál, sem upp kunna að verða borin.

10. gr.

Endurskoðendur félagsreikninganna skulu vera tveir og gildir kosning þeirra til tveggja ára. Ganga þeir úr sitt árið hvor, í fyrsta sinn samkvæmt hlutkesti.

11. gr.

Rita skal í gerðabók allar samþykktir aðalfunda, og annarra félagsfunda, ásamt stuttri greinargerð um annað, er þar gerist.

Fundargerðir skulu lesnar upp í fundarlok og bornar undir atkvæði, því næst undirritaðar af fundarstjóra og ritara ásamt viðstöddum stjórnarnefndarmönnum.

12. gr.

Reikningsár félagsins er almanaksárið.

13. gr.

Arður af sameiginlegri veiði og leigu skiptist milli félagsmanna samkvæmt arðskrá, er lögmætur félagsfundur samþykkir og undirrituð er af $\frac{2}{3}$ félagsmanna. Gildir hún til 5 ára í senn.

Þó er þeim, sem telur sig vanhaldinn um skiptingu arðs, heimilt að krefjast mats samkv. 65. og 84. gr. laga nr. 112 9. okt. 1941, um lax og silungsveiði.

Náist ekki samkomulag um nýja arðskrá að liðnum 5 árum, gildir gamla arðskráin áfram.

Félagsmenn greiði gjöld til félagsins í sama hlutfalli og þeir taka arð.

14. gr.

Samþykkt þessari verður ekki breytt nema á aðalfundi og þarf til þess $\frac{2}{3}$ atkvæða með breytingu, enda hafi áður verið greint frá henni á fundarboði.

Félaginu má slíta, ef tillaga um það er samþykkt með $\frac{2}{3}$ atkvæðum á 2 lögmætum fundum í röð.

15. gr.

Brot á samþykkt þessari varðar sektum frá kr. 300.00 til kr. 3000.00, og veiðarfæri og veiði gerð upptæk eða andvirði hennar, og renni hvort tveggja í sýslusjóð.

135

16. júlí

Um það, sem ekki er tekið fram í samþykkt þessari, skal fara með samkvæmt ákvæðum gildandi laga.

16. gr.

Samþykkt þessi, sem gerð er samkvæmt lögum nr. 112 9. október 1941, um lax- og silungsveiði, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 16. júlí 1951.

Hermann Jónasson.

Árni G. Eylands.

136

16. júlí

ARÐSKRÁ

fyrir Fiskræktar- og Veiðifélag Miðfirðinga.

Litli Ós	3	Flutt	543
Stóri Ós og Syðsti Ós	184	Torfustaðir	5
Saurar	34	Haugur	9
Ytri Reykir	33	Litlihvammur	13
Syðri Reykir	33	Litlatunga	78
Efri Torfustaðir	11	Giljaland	5
Neðri Torfustaðir	18	Skeggjastaðir	12
Urriðaá	4	Dalgeirsstaðir	9
Bjarg og Ytra Bjarg	61	Lækjabær	3
Bjargshóll	10	Afréttarlandið Húksheiði	1
Uppsalar	12	Húkur	11
Litlibakki	10	Kollufoss	13
Barkarstaðir og Sel	28	Huppahlíð	17
Skárastaðir	10	Brekkulækur	151
Núpdalstunga	47	Króksstaðir	55
Efri Núpur	18	Staðarbakki	47
Þverá	4	Melstaður	50
Fosskot	4	Barð	50
Neðri Núpur, syðri	4	Sandar	18
Neðri Núpur, ytri	15		

Flyt 543

1090

Arðskrá þessi, sem sett er samkvæmt lögum nr. 112 9. okt. 1941, um lax- og silungsveiði, birtist hér með til eftirbreytni öllum þeim, sem hlut eiga að máli.

Landbúnaðarráðuneytið, 16. júlí 1951.

Hermann Jónasson.

Árni G. Eylands.